

ՆԻԻԹԵՐ ԴՊՐՈՑԱԿԱՆ ՊԱՏՄՈՒԹԵԱՆ ՀԱՄԱՐ

1825. Մեր ձեռքն ընկած մի ցուցակից իմանում ենք, որ Տփլիսի Հայոց Վալար դպրոցում աշակերտների թիւը վերջին դասարանում 1825 թուի դեկտեմբեր ամսին եղել է 69:

1831 ՆՈՅԵՄԲԵՐ 7. Մինաս արքեպիսկոպոսի և Արշութեանց Ստեփաննոս վարդապետի Տփլիսի աւագ քահանաներին գրած առաջագրութիւնից տեղեկանում ենք, որ իշխան Աղամալ Խոճալ Մինասեանցը ընծայել է Տփլիսի Հայոց ուսումնարանին 87 հատոր ուսումնական գրքեր, այն է՝ ընդհ. պատմ. Կայդանովի, աշխարհագրական մի թուղթ հնոց աշխարհի, աշխարհագրութիւն նաբոլսկիի, աշխ. հինգ մասանց աշխարհի, թուաբանութիւն և բոլորը մի գլոբոսով յանձնել է ուսումնարանի լազգասէր կօմիտէտին: Այդ մասին Վրաստանի հոգեւոր կառավարութիւնը պատուիրում է աւագ քահանաներին յայտնել եկեղեցիներում ի լուր բարեպաշտ ժողովրդեան, նոյնպիսի բարեգործութեան նախանձով վառուելու համար:

1839 ԱՊՐԻԼ 28. Տփլիսի առաջնորդ Կարապետ արքեպիսկոպոսի առաջագրութիւնից երևում է, որ Հոգեւոր ճեմարանի ստորին դասատանց ուսուցիչների մէջ կարեւոր փոփոխութիւններ անելուց յետոյ՝ տարւոյս յունուարի 1-ից ուսուցչական պաշտօն են վարել հետևեալները. —

1, Վերատեսուչ Յովսէփ Օրբէլի որ և դասատու թարգմանութեան.

2, Ճարտասանութեան, հայկաբանութեան և քրիստոնէական վարդապետութեան՝ Յակովբ Կարինեանց.

3, Ընդհանուր պատմութեան, թուաբանութեան և ռուսաց աշխարհագրութեան՝ Պղատոն Էսէլիանեանց.

4, Ռուսաց լեզուի բերականութեան՝ Գաբրիէլ Երեցփոխեանց.

5, Հայոց պատմութեան՝ Յարութիւն Հաճնաղարեանց.

6, Թուաբանութեան առաջին մասանց, բերականութեան և աշխարհագրութեան ռուսաց լեզուի՝ Գէորգ Գասպարեանց.

7, Հայ լեզուի բերականութեան Գրիգոր Տէր-Յովհաննիսեանց.

8, Վայելչագրութեան և ռուսաց լեզուի բերականութեան Կապիտան Պաւլինսկի.

9, Վայելչագրութեան և հայ բերականութեան ներածութեան՝ Դաւիթ Տէր-Աղէքսանդրեանց.

10, Հասարակ ընթերցման ռուսաց՝ Կարապետ Զոհրաբեանց.

11, Հայ լեզուի հասարակ ընթերցման՝ Յովհաննէս Մնացականեանց.

12, Քերականութեան վարժութեան, եկեղեցական դպրութեանց յառանձին դասատան հոգեւորականաց, տիրացու Կարապետ Մաախեանց.

Դոցանից 8-դ և 12-դ ուսուցիչները նոյն թ. Ապրիլից արձակուել են պաշտօնից:

Մնացածներին ամսական արւում էր ռոճիկ 162 ռուբլի:

1839, ՅՈՒՆԻՍ 28. Տփլիսի կոնսիստորիայի կազմած մի օրագրից երևում է, որ Տփլիսի հայոց հոգեւոր ձեմարանի աշակերտներից, աւելի չափահասներն ու յառաջադէմ-

ները ստանալով աւագ սարկաւագութիւն, ուրար և չորս աստիճան, բաժանուած են եղել բաղաքի բոլոր եկեղեցիներում սպասաւորելու, որոնք, հոգեւոր իշխանութեան սահմանած չափով, ստանում էին եկեղեցական արդիւնքի մի մասը իբրև ապրուստի միջոց:

1850 ՓԵՏՐՈՒԱՐ 3. Ներքին գործոց նախարար գրաֆ Ա. Պէրովսկին № 353 գրութեամբ ծանուցանումէ Ներսէս Ե. կաթողիկոսին կայսերական հրամանը, որի մասին Հայրապետը նոյն թուի յուլիսի 3-ի կոնդակով տեղեկութիւն է տալիս Տփլիսի կոնսիստորին, թէ բոլոր դպրոցների կրօնուսույցները, սկսած բարձրագունից մինչև ժողովրդական դպրոցները, պէտք է նշանակուին ուսեալ և վարք ու բարքով օրինակելի անձինքներից և ընդունակ՝ աշակերտների սրտի և հոգու մէջ Աստուծոյ երկիւղը և քրիստոնէական ամեն պարտականութիւնները տպաւորելու:

1851. Ներսիսեան Դպրոցի մուտքու ծախքը 1851 թուին Կ. Մուք. 5504 ռ. 62¹/₂ կ.
Ծախք. 4439 ռ. 41¹/₂ կ.
Մնացորդ. 1065 ռ. 21¹/₂ կ.
Այս ծախքից արուած է՝ ուսուցիչներին տեսչին և ծառ. 1767—52¹/₂, որդեգիրների պահպանութեան 1497 ռ. 3 կ. մնացածն էլ նորոգութիւնների, շինութիւնների, բնութիւնների ժամանակ պարգև, գրքերի, տպարանի ևն:

1854 ՄԱՐՏ 12. Տփլիսի Հայոց Հոգեւոր Դպրոցի հոգաբարձութիւնը յայտնում է Վրաստանի կոնսիստորին, թէ Դպրոցի աշակերտներից 45 հոգի, որոնցից 15 ուրարակիր և մէկը սարկաւագ, ուսուսմանութիւնից ազատ ժամանակ ծառայում են բաղաքիս եկեղեցիներում:

1858 Թուին Յփիսիսի դպրոցների Թիւը.

1, Յեական 6, 9 ուսուցիչներով և 208 ուսանողներով:

2, Ճեմարան 1.

1861 ԱՊՐԻԼ 20. Սանահնի հայոց հոգևոր ուսումնարանը 1861 Թուին ունեցել է 3 կարգ. առաջինում 7, երկրորդում 8 և երրորդում 6 աշակերտներով:

Աւանդուել է ա. բաժնում ճարտասանութիւն, 2-րդ չեան բերականութիւն ա. մ., աստուածաշնչի նկարագրական մասը, շարական, ազգային պատմութիւն և Թուարանութիւն ըստ մասին:

բ. Բաժնում՝ հին և նոր կտակարան, նկարագրական մաքով, երաժշտական վարժութիւն, եօթն խորհուրդ, վայելչագրութիւն:

գ. Բաժնում՝ արևտարան Թարգմանութեամբ, ժամանակի, սաղմոս և պրքենարան:

Վանահայր և ուսուցիչ եղել է Աւետիք վարդապետ Տէր-Գրիգորեանց: